



FARG‘ONA VILOYATI RISHTON TUMANI HOKIMINING QARORI

2025-yil 5-aprel

115-11-158-Q/25

Rishton tumani hokimligi

O‘zbekiston Respublikasi Prezidentining 2025-yil 30-yanvardagi PF-16-son Farmoni hamda Farg‘ona viloyati hokimining 2025-yil 20-fevral kungi 90-11-0- Q/25-sonli qarori ijrosi haqida

O‘zbekiston Respublikasi Prezidentining 2025-yil 30-yanvardagi “O‘zbekiston 2030” strategiyasini “Atrof-muhitni asrash va “yashil iqtisodiyot” yilida amalga oshirishga oid davlat dasturi to‘g‘risida”gi PF-16-son Farmoni ijrosini ta’minlash hamda tarmoq va sohalarning uyg‘un “yashil transformatsiya”sini amalga oshirish, ularning raqobatbardoshligi va resurs tejamkorligini ta’minlash, iqlim o‘zgarishi oqibatlarini yumshatish va unga moslashish hamda aholining yashash sifatini yaxshilash va iqtisodiy o‘sishning yangi “yashil rivojlanish” modeliga o‘tish maqsadida qabul qilgan Farg‘ona viloyati hokimining 2025-yil 20-fevral kungi 90-11-0-Q/25- sonli qarori ijrosini ta’minlash maqsadida,

Q A R O R Q I L A M A N:

1. O‘zbekiston Respublikasi Prezidentining 2025 yil 30-yanvardagi “O‘zbekiston-2030” strategiyasini “Atrof-muhitni asrash va “yashil iqtisodiyot” yilida amalga oshirishga oid davlat dasturi to‘g‘risida”gi PF-16-son Farmoni hamda Farg‘ona viloyati hokimining 2025-yil 20-fevral kungi 90-11-0-Q/25-sonli qarori rahbarlik va ijro uchun qabul qilinsin.

2. O‘zbekiston Respublikasi Prezidentining mazkur Farmoni bilan:

“O‘zbekiston-2030” strategiyasini “Atrof-muhitni asrash va “yashil iqtisodiyot” yilida amalga oshirishga oid davlat dasturi (keyingi o‘rinlarda - Davlat dasturi) doirasida 1-21-ilovalarga muvofiq quyidagilar:

2025-yilga mo‘ljallangan amaliy tadbirlar rejasi;

2025-yilda ishlab chiqiladigan normativ-huquqiy hujjatlar loyihalari ro‘yxati;

2025-yilga mo'ljallangan maqsadli ko'rsatkichlar;

2025-yilda atrof-muhitni asrash yo'nalishida vazirlik va idoralar tomonidan birinchi navbatda amalga oshirilishi zarur bo'lgan chora-tadbirlar rejasi;

2025-yilda atrof-muhitni asrash bo'yicha xalqaro hamkorlik yo'nalishida chora- tadbirlarni amalga oshirish rejasi;

O'zbekiston Respublikasida "Yashil turizm" dasturini amalga oshirish chora- tadbirlari rejasi;

2025-yilda hududlarda qayta tiklanuvchi energiya manbalari quvvatlarini joriy etish rejasi;

2025-yilda bahor-kuz mavsumlarida "Yashil makon" umummilliy loyihasi doirasida mahallalarda daraxtlarni ekish bo'yicha reja;

2025-yilda bahor mavsumida mahallalarda xonadonlar va ichki ko'chalarga gul hamda qalamchalarni ekish rejasi tasdiqlanganligi;

"Atrof-muhitni asrash va "yashil iqtisodiyot" yilida mamlakat rivojlanishining ustuvor yondashuvlari belgilab berilganligi;

ustuvor yondashuvlar resurslardan tejamkorlik bilan foydalanishni ko'zda tutuvchi iqtisodiy rivojlanish modeliga o'tish orqali 2030-yilgacha yalpi ichki mahsulotning yillik o'sishini kamida 6 foiz va uning hajmini 200 milliard AQSh dollariga yetkazish, inflyatsiyani 5 foiz, byudjet taqchilligini yalpi ichki mahsulotga nisbatan 3 foiz darajasida saqlash, kambag'allikni qisqartirish va aholi farovonligini oshirish maqsadlariga erishishga asos bo'lishi belgilanganligi;

aholi, ayniqsa yosh avlod vakillari tomonidan sanitariya-gigiena vositalaridan foydalanish imkoniyatlarini yanada kengaytirish maqsadida 2025-yil 1-maydan boshlab "Toza qo'llar" dasturi amalga oshirilishi;

2025-yil 1-maydan boshlab Toshkent va Nukus shaharlari hamda viloyat markazlarida asbest, sement ishlab chiqarish, shlam va shlaklar, teri-ko'nchilik, parrandachilik fabrikalari, samaradorligi yuqori bo'lgan chang-gaz tozalash inshootlari bilan jihozlanmagan har qanday turdagi ko'mir yoqish, qora va rangli metallurgiya zavodlari, tarkibida zaharli aralashmalar bo'lgan oyna, zaharli kimyoviy moddalar bilan ishlash, xavflilik darajasining I va II sinfiga mansub chiqindilarni qayta ishlash va yoqish korxonalari yo'nalishlarida yangi loyihalarni amalga oshirish taqiqlanganligi;

o'simlik va hayvonot dunyosini asrash, ko'paytirish va ularni keyingi avlodga yetkazish borasida 2025-yil 1-sentabrdan boshlab yovvoyi holda o'suvchi o'simliklarni yig'ish va tayyorlash uchun tasdiqlangan kvotalar hamda o'simlik

dunyosi obektlaridan maxsus foydalanish uchun ruxsatnomalarni elektron auksion orqali berish tartibi joriy etilganligi;

atrof-muhitga ta'sir ko'rsatish bo'yicha I va II toifalarga mansub korxonalarning ekologik ishlab chiqarishga o'tishdagi harakatlarini rag'batlantirish maqsadida 2025- yil 1-avgustdan boshlab alohida tartib joriy etilganligi;

2025-yil 1-sentabrdan boshlab tadbirkorlik subektlarini "yashil tadbirkor" sifatida e'tirof etishni nazarda tutuvchi platforma ishga tushirilishi;

aholi va tadbirkorlik subektlari tomonidan qayta tiklanuvchi energiya manbalaridan keng foydalanishni rag'batlantirish maqsadida 2025-yil 1-apreldan boshlab chiqindilar utilizatsiyasi hisobiga hamda shamol va quyosh manbalaridan ishlab chiqarilgan elektr energiyasi uchun "yashil tarif"lar joriy etilishi;

2025-yil 1-sentabrdan boshlab Qoraqalpog'iston Respublikasi Vazirlar Kengashi Raisi, viloyat va tuman (shahar) hokimlarini lavozimga tasdiqlashda va lavozimdan ozod etishda ekologik ko'rsatkichlarni belgilash bo'yicha ekologik audit o'tkazib borilishi;

Davlat byudjeti mablag'laridan samarali va oqilona foydalanishda parlament nazoratini yanada kuchaytirish maqsadida Hukumatning Davlat byudjetiga doir barcha hisobotlarini Oliy Majlis Qonunchilik palatasiga Hisob palatasining tashqi audit xulosasi bilan birgalikda kiritish amaliyoti yo'lga qo'yilishi belgilanganligi ma'lumot uchun qabul qilinsin.

3. Rishton tumanida "O'zbekiston-2030" strategiyasini "Atrof-muhitni asrash va "yashil iqtisodiyot" yilida amalga oshirishga oid davlat dasturida belgilangan vazifalar ijrosini samarali tashkil qilish doirasida quyidagilar:

"O'zbekiston - 2030" strategiyasining har bir insonga o'z salohiyatini ro'yobga chiqarish uchun munosib sharoitlar yaratish yo'nalishi bo'yicha 2025-yilga mo'ljallangan amaliy tadbirlar rejasi;

"O'zbekiston - 2030" strategiyasining har bir yo'nalishlar bo'yicha 2025-yilga mo'ljallangan maqsadli ko'rsatkichlar;

"O'zbekiston - 2030" strategiyasining Barqaror iqtisodiy o'sish orqali aholi farovonligini ta'minlash yo'nalishi bo'yicha 2025-yilga mo'ljallangan amaliy tadbirlar rejasi;

"O'zbekiston - 2030" strategiyasining Barqaror iqtisodiy o'sish orqali aholi farovonligini ta'minlash yo'nalishi bo'yicha 2025-yilda ishlab chiqiladigan normativ- huquqiy hujjatlar loyihalari ro'yxati;

"O'zbekiston - 2030" strategiyasining Suv resurslarini tejash va atrof-muhitni muhofaza qilish yo'nalishi bo'yicha 2025-yilga mo'ljallangan amaliy tadbirlar rejasi;

“O‘zbekiston - 2030” strategiyasining suv resurslarini tejash va atrof-muhitni muhofaza qilish yo‘nalishi bo‘yicha 2025-yilda ishlab chiqiladigan normativ-huquqiy hujjatlar loyihalari ro‘yxati;

“O‘zbekiston - 2030” strategiyasining qonun ustuvorligini ta‘minlash, xalq xizmatidagi davlat boshqaruvini tashkil etish bo‘yicha 2025-yilga mo‘ljallangan amaliy tadbirlar rejasi;

2025-yilda atrof-muhitni asrash yo‘nalishida birinchi navbatda amalga oshirilishi zarur bo‘lgan chora-tadbirlar rejasi;

2025-yilda hududlarda qayta tiklanuvchi energiya manbalari quvvatlarini joriy etish rejasi;

2025-yilda bahor-kuz mavsumlarida “Yashil makon” umummilliy loyihasi doirasida mahallalarda daraxtlarni ekish bo‘yicha reja;

2025-yilda bahor mavsumida mahallalarda xonadonlar va ichki ko‘chalarga gul hamda qalamchalarni ekish bo‘yicha reja;

“O‘zbekiston - 2030” strategiyasini “Atrof-muhitni asrash va “yashil iqtisodiyot” yilida amalga oshirishga oid davlat dasturida belgilangan vazifalar ijrosini ta‘minlash hamda monitoring qilish bo‘yicha tuman muvofiqlashtiruvchi guruh tarkibi;

“O‘zbekiston - 2030” strategiyasini “Atrof-muhitni asrash va “yashil iqtisodiyot” yilida amalga oshirishga oid Davlat dasturi ijrosini tashkil etish va nazoratini ta‘minlash bo‘yicha tuman ishchi guruhi tarkibi tasdiqlansin.

4. Tuman hokimining o‘rinbosari N.Oripov, tuman ekologiya, atrof- muhitni muhofaza qilish va iqlim o‘zgarishi bo‘limi (Jo‘raboyzoda), tuman iqtisodiyot va moliya bo‘limi bilan birgalikda **2025-yil yakuniga qadar:**

“Yashil makon” umummilliy loyihasi va “Mening bog‘im” loyihasi doirasida joriy yil bahor-kuz mavsumlarida daraxt hamda butalar ekilishi, “yashil bog‘lar” va “yashil jamoat parklari”da quyosh panellari yordamida quvvatlanuvchi yoritgichlar o‘rnatish;

jamoatchilik, ekofaollar va biznes vakillarining tabiatni muhofaza qilish bo‘yicha tashabbuslarini qo‘llab-quvvatlash akseleratsiya tizimi joriy etish;

Tuman qurilish va uy-joy kommunal xo‘jaligi bo‘limi (Mavlonov) bilan birgalikda aholi uchun barpo etilayotgan piyodalar va alohida velosiped yo‘laklari bo‘yida daraxtlar va o‘simliklarni ekish orqali “Soyali sayr ko‘chalari” tarmog‘ining yaratilishini tashkil qilish va sog‘lomlashtirish yo‘laklarini qurish;

5. Tuman hokimining o‘rinbosar N.Oripov, tuman ekologiya, atrof-muhitni muhofaza qilish va iqlim o‘zgarishi bo‘limi (Jo‘raboyzoda) bilan birgalikda 2025-yil yakuniga qadar tumanda o‘rmon bilan qoplangan maydonlar va muhofaza qilinadigan

tabiiy hududlarni kengaytirish hamda ularning ekoturizm, ko'chatchilik va dorivorchilik yo'nalishlaridagi foydalanilmayotgan zaxiralarini aniqlab, ularning imkoniyatlaridan to'liq foydalanish va aholining daromadlarini oshirish choralarini ko'rsin.

6. Tuman hokimining o'rinbosarlari D.Raxmonuqulov, Z.Umarov, N.Oripov, tuman ekologiya, atrof-muhitni muhofaza qilish va iqlim o'zgarishi bo'limi (Jo'raboyzoda), tuman iqtisodiyot va moliya bo'limi bilan birgalikda **2025-yil 20-sentabrga qadar** O'zbekiston Respublikasi Prezidentining mazkur Farmoni 13-bandining "a" kichik bandida ko'rsatilgan va energiya sarfi yuqori bo'lgan yo'nalishlardagi mavjud quvvatlarni modernizatsiya qilish choralarini ko'rsin.

7. Tuman hokimining birinchi o'rinbosari D.Raxmonuqulov tuman hokimligi Tashkiliy-kadrlar guruhi (Mamadaliyev), tuman Iqtisodiyot va moliya bo'limi, tuman ekologiya, atrof-muhitni muhofaza qilish va iqlim o'zgarishi bo'limi (Jo'raboyzoda) tuman hududida atrof-muhitni muhofaza qilish bo'yicha ishlarni samarali tashkil qilish, davlat organlari va tashkilotlarining bu boradagi faoliyatini takomillashtirish maqsadida ekologiya va "yashil rivojlanish" masalalari bo'yicha konsultantlarni jalb qilish choralarini ko'rsin.

8. Tuman hokimining o'rinbosari N.Oripov, O'zbekiston mahallalari uyushmasi tuman bo'limi (Xojixonov) bilan birgalikda:

bir hafta muddatda **MFYlar kesimida** 2025-yilda "Yashil makon" umummilliy loyihasi doirasida mahallalarda **daraxt ko'chatlarini hamda xonadonlar va ichki ko'chalarga gul va qalamchalarni ekish dasturini ishlab chiqsin;**

2025-yil bahor mavsumida tumandagi barcha mahallalarning ichki ko'chalari va aholi xonadonlarida **mevali** va **manzarali** daraxtlar, **buta** ko'chatlarini hamda **rayhon, gultoji, atirgul** va boshqa gullar, shuningdek, **qalamchalarni** ekish va parvarishlab borishni;

"Obod xonadon", "Obod ko'cha" va **"Obod mahalla"** mezonlarini joriy etish maqsadida 2025-yilning 15-fevralidan 15-martiga qadar har bir **xonadon, ko'cha** va **qabristonlarda obodonlashtirish** hamda **ko'kalamzorlashtirish** ishlarini uyushqoqlik bilan tashkil etsin;

Mazkur bandda nazarda tutilgan tadbirlar **Mahallaning ijtimoiy-iqtisodiy muammolarini hal etish jamg'armasi**, homiylik va xayriya mablag'lari hisobidan amalga oshirilishi belgilansin;

9. Tuman hokimining o'rinbosari N.Oripov, tuman ekologiya, atrof- muhitni muhofaza qilish va iqlim o'zgarishi bo'limi (Jo'raboyzoda), O'zbekiston mahallalari uyushmasi tuman bo'limi (Xojixonov), tegishli mas'ullar bilan birgalikda "Bir million yashil oila" umummilliy harakati doirasida belgilangan vazifalar ijrosini ta'minlasin.

10. Xalq deputatlari tuman Kengashi kotibiyati (A.Sobirov):

Xalq deputatlari tuman kengashi o'z hududlarida Davlat dasturi ijrosini samarali, qat'iy tartib-intizom asosida tashkil etib, mahalla kesimida amaliy chora-tadbirlarni belgilasin hamda **keng jamoatchilik va ommaviy axborot vositalari ishtirokida muntazam ravishda** mas'ul shaxslarning hisobotini eshitib borsin;

Xalq deputatlari tuman Kengashi deputatlari tomonidan dasturda belgilangan vazifalar ijrosi yuzasidan muntazam o'rganishlarni amalga oshirish, o'rganish natijalari bo'yicha doimiy komissiyalar yig'ilishlarida muhokamalar o'tkazib borish, belgilangan vazifalar ijrosiga mas'ul bo'lgan rahbarlarning hisobotlarini eshitib borish tizimini joriy etsin hamda bu borada samaradorligini oshirishga qaratilgan takliflarni ishlab chiqsin.

11. Rishton tumani hokimligi axborot xizmati (Dehqonov) muntazam ravishda:

Davlat dasturining maqsad va vazifalarini ommaviy axborot vositalarida, shu jumladan Internet axborot tarmog'ida va ijtimoiy tarmoqlarda keng sharhlab borish hamda uning mazmun-mohiyatini jamoatchilikka tushuntirish;

“O‘zbekiston – 2030” strategiyasi va Davlat dasturi doirasida amalga oshirilayotgan chora-tadbirlarning borishi va natijalari to‘g‘risidagi xolis va to‘liq ma’lumotlarni jamoatchilikka tezkorlik bilan yetkazib borish tavsiya etilsin.

12. Mazkur qarorning bajarilishini nazorat qilishni o'z zimnamda qoldiraman.

Tuman hokimi



Б.Холиков